

**LAFARAGADAWAGUNIWA AFANSEHANI TANI TICHÜGÜDINA CORTE INTERIAMERICANA
LANINA DERECHOS HUMANOS/HAGALAN GÜRIGIA/LAREINI IBAGARI**

6- SISI LIDAN WIDÜ HATI, LIDAN IRUMU BIAN MULU WEIN- 2020

LURUDU KEI GUMADI LUN LATOURUNIWA DASI LAU LOUFUDAGUN LUN LADÜGÜNIWA

**LUAGUTI HAGAIRA GARINAGU TURONPU/DUFIGATI LUMA DÜBÜGATI VS
INDURA/HULILIGATI.**

LIRIGIEN LASÜGÜRAGÜDÜNIWA AGU TUEIGIEN.

1. Sentencia/Lurudu kei gumadi lun tagunfuliruniwa lubaragien gumadi le weiritimati lun tagunfulirun lau larufudagun luagu lafansehouniwa luma laramahouniwa luaguti hagaira Garinagu Dübügati habu sun lilana¹ tuma sentencia (gumadi)luagu laramadahouniwa damichi hagaira Garinagu Turonpu/Dufigati hau sun lilana ² biamagubei tugia, tidangien Corte Interamericana tani Derechos Humanos (lidan lilugarun “ Corte Interamericana” “ Corte” o aguseragüdütiun) widü lidan 10 hati lidan irumu bian milu keinsi kounta Huliligati o Indura(lidan agairoü Indura”)³.

¹ Subudigüdatumuti Corte luagu gadurunlna Huliligati lidan lafigeiruniwa lareini habagari Garinagu, itara ei lun galanhama lun o ganihama derechu lun le yuubei houn kei oüdü, kei le uwalubei ni kata lueigien houbadin alidan agendaguni le, luagu tima hamüan luma hagaira, laganagua hamuga ti megeriwalan ladüguniwa dasi lun giarabei lan lameiniruniwa habari laganagua hameiniani sun hagaira luma hanichigu lida wuribuagei le. Itara meme liña giñe subusigüdatani aguseragüdütu luagu gadunru lan Huliligati lidan lañagaduniwa damichi luagu Ireini habagari luma hani derechu o hagalan luma lameiniruniwa lurudu luma lagunfulirun, ladüga sun hingiguoü le asaminarubei manügünti fulasu luma michuguniwalan anhadabu lun lueigien loubadin aDübügati hama lilana. Ariñagatu ti Corte, lidan dan tanfasehaguonoü, boüti laramadahoun damichi lumagua, ligia ti tichugunbei lurudu lun lagunfuliruniwa lueigien loubadina Huliligati.

² Ariñagatu Corte lun ubou luagu Huliligati lan gadunrubei lidan damichi le lun habagari ani lun sun hanidun Truonpuna hama lilana hagaira, luagu magunfulirun lan lau lameriahani, mamisurahan múa le yuubei houn Garinagu le buga hamuan lumagien buga furumieti dan lumagien yübu.

Arianga lumuti giñe uruwei, Estado luagu ligiameme, luagu michuguniwatan garada houn lilana agairoü luagu hamüan, lidan aban fulasu le hani, le lasubudiragüdübei uruei kie lani, itara meme gadunruti giñe Estado, luagu madügünla aban beresege luagu lurudu lani alügüdahani luagu le habuserunbie lanügún fulasu lumoun le mabuserunhabei hagaira. Aban ti tariengu Aguseragüdütu luagu Huliligati lan gadunrubei lidan sun le, lugundugu mchulani sun lumati, subusigülele luagu mosu lan buga lichugun ameiniruni houn gürigia ha luageirugu hagaira, itaraliña ti lumagien lan irumu 2004 bian milu gadürü tasetiruha garada lau lurudu lun alügüdahani luagu le anügübei fulasu hama hagaira. Aban ti lachoduruduniwa lau le luagu ñein ñein lan damichi lun lareini habagari luma hani derechu o hagalan, lugundun le michuguniwalan aban achoruduni le luruduebunati tuagu hagaradan to habelagüdün aluga yebe garada luagu hamüan. Madeiriti de oüdu aban ounabagülele le hamuga giarati lañuraguagüdüniun. Memegi, le tima aweidagüdübalin durumadei ya, ladüga lalugurahouniwa muan houn amu mutu ha mama Garinagu, houn manichitiun lun mebuga habugagubaña lan lidangien hagaira agei, le bubei ti hichugun aban abuyaruni habigubien luruduebuna luagu asusereduti; kei ti le michugunla Huliligati luhabu luagu, aban lerederun katei itara lun hamuga laferidiruba lan, lidangien hamahan lun hidehan luma oüdü Garifuna; lidangien ti meberesehabuni le, liabin houwegun 4 Garinagu hadangien. Aban ti tariengu Corte luagu laganagua lan tounahanu sentencia, utu giñe lidan lira lugaru lun laramadahouniwa damichi, ligia ti tichugunbie Tichugudina Corte lurudu luma gumadi luagu Estado lani Huliligati lun laiyahan idaluba lan laramadahani sun damichi.

³ Cfr. *Hagaira Garinagu Dübügati hama lilana Vs. Huliligati. excepciones preliminares, fondo, reparaciones y costas.* () sentencia/lilurudun gumadi weyu 8 widü lidan 10 disi hati, irumu 2015. bian milu keinsi. serei CN.304, luma agairoü Turonpu/Dufigati hama lilana Vs. Huliligati. Fondo, repaaciones y costas. Sentencia o lilurudun gumadi 8 widü lidan 10 disi hati, irumu201. bian milu keinsi. Serie C.N.305.

2. Sun lidaradunina latonigiruniwa o lameniniruniwa agunfuliruni tani gumadi o setencia to afuriduboun katousu 14 lidan seiungü hati (mayo) lidan irumu bian milu disinefu (2019)⁴.
3. Sun garada o bürüti le houdubei sun luruduebuna ha anügübalin hakasun sun ha danaguwabaña ufaan(lun lubaruaguoun luruduebuba)⁵ lidan irumu bian milu wein 2020, weyu wein sedü lidan sedü hati, belugudatiun aban garada lubaamagiwa, aluga gumadi lun lameiniruniwa habagari Turonpuna hama Dübürügatinana, Huliligati/Indura, lidan tima lidayarun katei luagu habagari : Alberth Sneider Centeno, lichügüdüna paturonatu Turonpu/Difugati, Milton Joel Martinez Alvarez, Suami Aparicio Mejia Garcia luma Gerardo Misael Trochez Calix lidangien ageiroü Turonpu/Dufigati.
4. Garada to afuriduboun tidangien fiyudiri tani Corte wein widü 28 lidan sedü hati, irumu bian milu wein, kei le aubei lafurida lidan artikulu 27.5 lidangien tilurudun aguseiraguagülei, ariheinei le tubalinti bei tichügüdüna Corte, aban lamuriahouniwa luma Estado Huliligatinana lun lan me buga lounahan garada lidan loufudagun lau le lisaminabei tuagun lilurudun gumadi lubaamagiwa tabelurun Corte, mosun lan tibuga lounahanu garada lau lorufudun kei lagumuhoun weyu 31 darandi aban, lidan sedü hati, lidan irumu 2020 bian milu wein.
5. Aban ti lounahanu Estado Huliligatinana garada lau lisamina kei le aubei buga leredera lidan gumadi weyu 31 darandi aban lidan sedü hati, irumu bian milu wein, ligia lounahanu uruei garada lau le larihubei luma lisamina.

CONSIDERANDO QUE/ KEI TI LE:

1. Lidan artikulu 63.2 üruwa wein üruwa. Biama, tiadangien Convencion Americana luagu Derechos Humanos, lun lubaruaguoun “Convencion Americana” o “la Convencion” ariengatu lidan anirein lan sugüguodigieti o wei lan lasügüragun, itara kei megeiwalan duariwalan luei damichi le lasianrun aranseruwa houn gürigia, dan me le tichugun Corte fe luagu lira gearabei tichugun lurudu le fulesihabulumuti lameinirun habagari gürigia.
2. Itaraliña gien kei lidan artikulu 27.3 wein sedü. Üruwa lidangien tilurudun aguseragülei (lun lubaruaguoun tilurudun o tani reglamentu) ariengati luagu “lidan anirein la aban

⁴ Cfr. Likasun agairoü Turonpu hama lilana Vs. Huliligati lamieniruniwa lagunfulirun tau Sentencia o lilurudun gumadi. Afansehani/resolución tidangien Corte Interamericana lani Ireini ibagari luma hagalan girigia/Derechos Humanos, weyu 14 katosu lidan 5 seingü hati lidan irumu bian milu disinefu 2019, luma ti likasun Dübügati hama lilana Vs. Huliligati lameiniruniwa lagunfulirunwa tau sentencia o lilurudun gumadi. Afansehnai o resolución tidangien Corte Interamericana lani Ireini ibagari luma Hagalan mutu weyuna 14 katosu lidan 5 hati, irumu 2019 bina milu disinefu.

⁵ Sun lilana hagaira Garinagu ha eresibirubaña damichi, houndarun Garinagu to OFRANEH tugia luruduebuna ichügüdüinarüboun haugien.

kasu kontenciosoti labugien tasubudinhabu Corte, ha asufuriubaña damichi itara kei ha luruduebuna baña hama, gearabei halugun tun Corte aban lurudu lun lameinirun habagari lubagien gusei anhei luaguti lubei anügüti fulasu”. Anirein gien lidan artickulu 27.6 wein sedü. Sisi lidangien tilurudun aguseragulei; anhei mama ñanu lubei lidan damuri o madanilagili tadamuridagun Corte gearabei liabuin tichügüdüna Corte lun lagumadiruni uruwei lun gearabei lan lichugun gunfuli lau lifuresen lidan anügüti fulasu.

3. Lun me buga ñeinlan aban lurudu lubamagiwa, belugudawatu luagu me buga le anügübei fulasu luagu fiu lidangie lilana lagaira Garifuna Turonpu luma Dübügati, agarirou le abihubei damichi hau lilana, Dübügati hau lilana, Dufigati hau lilana. Sun kasu buri lira lau ligaburi oura to lidañein lameiniruniwa tagunfulirun sentencia, lau lira lagunfuliruña gien lau le lidanbei lurudu lidan artickulu 27.3 wein sedü. Üruwa kei le aubei giara lan tabelurun garada lau le busienwabei. Tidan meme garada tugia, lalugua aban gumadi lun ñeinlan lurudu lubamagiwa o lubagiegua sun gusei lun gearabei lan lameinirun habagari sun abihitiña damichi, o ” luei ñein la somu katei luei me lasiñarun aranseruwa.”
4. Iraliña me ti lasubudiragüdüwaba luagu sun lagücha le halugubei luruduebuna luagu gumadigiegua luagu lameinirun ibagari, lubamagiwa gusei le weiriti.(infra Considerando 5 lumoun 8) itara kei lubaliniti uruwei luagu lisamina tübügürü (infra Considerando 9 lumoun 13) lun meti lakutihouniwa anhien gunfulilubei lau megeiti le lindabei lurudu lun gearabei lan ñein lan aban gumadi lun latouruniwa lau larufun lueigien toubadina tichügüdüna Corte(supra Considerando 14 lumoun 27).

Garada o dugumedu abelurutu lau le halugubei luruduebuna lueigien houbadina Garinagu

5. Aban ti habelagüdün sun luruduebuna aban garada luagu lamegeiruniwa gumadi luagu ameiniruni lueigien houbadina: a)gadürü lilana agairoü Turonpu, ha anügübaña fada lumoun oura le, lumagien weyu 18 disi widü lidan sedü hati irumu bian milu wein 2020; b) sun lilana Turonpu ha agendagubalin üwara likesin Lagaira Garifuna, luma c) sun lilana Dübügati ha agendagubalin likesin lagaira Garifuna.
6. Sun luruduebuna utiun derebugu tun hadugumedun lau sun le anügübei fulasu luagu hanaawaguniwa 4 gadürü gurigia Garinagu lidangien hagaira Garinagu le Turonpu/dufigati, luagu lilouguan gumadi luma lurudu luagu lameiniruniwa hamúan hagaira lumoun gien lilouguan hingiguoü lübügürü lariahouniwa lebuna asuseduti houn lilana agairoü buri le, itara meme fansewatu ani akutihouwatu tidan sentencia to tichuguboun Corte.
7. Luagu tebuna luma tilagüla garada o dugumedu to le ñeinlubei haluga lurudu lun gumadi lubaramagiwa gusei, aban hariengun luruduebuna luagu:
 - a) Luaguti Turonpu, aban hariengu luagu weyu lan samudi 18 disi widü lidan sedü hati irumu 2020 bian milu wein ladoün buri 5:30 sengü dimi binafui, aban habelurun wügüriña tau harumate sansigualu kei policia, tau hachagidin, chaleku kei to

houseruboun gumadimatiun, larienga tuagu”Direccion Policial de Investigacion DPI, aban habelurun lau eregu tidoun haban gadüru hadangien güriegie ha, sagahamutiun habiengien barünahamaña hamagua. aniha hiri: Milton Joel Martinez Alvarez, Suami Aparicio Mejia Garcia, Gerardo Misael Trochez Calix, luma Alberth Sneider Centeno le lichügüdüna paturonatu Turonpu, ani idehati lidan dasi tuma Oundaruni hani Wwritiña Huliligati OFRANEH lidan beresequ luagu lagendawaguniwa hamúan luma hani Garinagu derechu lun ti giarabei la lagunfulirun lau sentencia le tani Corte Interamericana lani Derechos Humanos. Lidan ti asuseduti ligia aban tabelurun gabalabatu (karu) hau wügüriña tau sun tuyeigu auma lidoun agairoü, lau sun sienti la teibugun karu lidan furumieguarügü weyu, luagu lurudu le lidaniwagu kobidi-19, sandi le ichugubei gunami ubouwagu. Lumoun ti fada weyu le uguñe abidiewati haliañanu lan, uwagili ñuusu luagu hamuga dariwaña lan o subusiwalan hawaguti.

b) Anhein ti luaguna Dübügati, utiun ñuusu luagu aban hati lubamagiwa luagu lafaruniwa o lagidaruniwa libagari aban ichügüdüinarü Antonio Bernardez Dübügati. Ariengatiun lebunga lan buga ouweni le, gabarati la lidan luadigimari luagu lagendawaguniwa likesin múa, lun ti ti giara lan lagunfulirun lau sentencia kei lurudu le tagumadirubei Corte.

8. Lagumuhoun dan aban gien haruduni luruduebunga luagu sun lan le asusedubei miniti aban sügüguoü lau hahabu ha adügübalin henerimeti luwein damichi le, itaralian kei damichi weiriti le asienruti laramadahuniwa, lau ti sun le alugatiwa lun lichuguniwa lurudu luagu laruweite o Estado Huliligatinana lun:

a) Lun ñeinlan “gumadi lun lameiniruniwa ibagari lubamagiwa gusei luogu hafaan o hafulesin Milton Joel Martinez Alvarez; Suami Aparicio Mejia Garcia, Albert Snaider Centeno Thomas, subusiwati kei Sneider Centeno, Gerardo Misael Trochez Calix,[itara kei lugun hafulesinhabu suina buri hibiri lilana fulasu Turonpu luma Dübügati, ha agendagubaña üwara luagu hakesin sun Garinagu luagu tima hamúan”.

b) Lun ligiragüdüniun Estado lani Huliligati sun mutu ha iridawagubaña luagu sagawahama habiengien fada weyu uguñe.

c) Lun giarabei lan lichugun uruwei lurudu lun lagunfulirun sun daradu le kei gumadi lun lagunfuliruniwa tau sentencia to ichuguboun lidan kasu le.

B) LARIGIEN LASÜGÜRAGÜDUN ESTADO AGU

9. Larigien bei lasügüradgüdüni Estado lagu tuegien, le lichigubei tidan bürütu weyu 31 darandi aban lidan sedü hati, irumu 2020 bian milu wein, ñei lubei layanuha luagu lateniruña la lun likasun Dübügati lalurahañanu la ha adügübaña damichi lidan lagidun libagari Antonio Bernadez., ayanuhati giñe tidan luagu sun dasi le ladügübei luagu lameiniruniwa habagari mutu, lidanbei ayawadihahama aganigu hau ; tigia meme uwaguboun layanuhouwa dan le layanuhuniwa tuagu ameinihani lun lagunfulirun

sentencia le tani Corte⁶. Ariengati ani chorulumuti luagu masigiti la lidan lapulikarun ameihani ligia ladüga hariengu ha unbaña lasudinida luagu mabihinabei la lubaragien madagatan sentencia kei lurudu.

10. Lidan libiama lugaru, luaguti ageiroü Turonpu/Dufigati, aban lariengu uruwei hawagu 4 gadürü gürigia ha asagarubaña habiengien weyu 18 disi widü lidan sedü hati, irumu 2020 bian milu wein; luagu sun la le asuseredubei laganaguañein akutihani luma ariahouni⁷ itaraliña lubeiti sienti la ladagarun kei hamuga aban katei le churunti luegien loubadina uruwei itara ti kei aban agumuchaguni le sofumarügi. Tuagu halagu gürigia ha abelurubaña Turonpu ha ganegebaña tun hasimisin Policia (pulimani) tidangien Direccion Policial de Investigacion, gibeli wiyasu lasuseredun le ya Huliligati, dan le hayaburi gafarahatiun o houndarun manichitiun (manichondon) arihuaru hawagun itara rügu o ibinigü dan le hagendagun luma guonarü lurudu.
11. Anhein ti luagu le halugubei barüwana lun giarabei la higrirawagüdüniwa 4 gadürü girigia ha, ariengati ani aguyuguati larienguni Estado luagu anihagua lan laganagua hariahouniwa, uwati lan araramuni luagurügu mafanse houniwalan lueigen loubadina aban gumadi Judicial, uwagubeigüti giñe ni aban dugumedu ariñahatu luagu uruwei o Estado lan hamuga gadunrubei lidan le; abidieuga lun Estado hagaña lan la gürigia ha asagarawagubaña habiengien.
12. Itara liña gien awisahati lan Estado tuagu tamuriahouña la buga amieiniruni luogun hafulesin gürigia ha: Alberth Sneider Centeno belutu ani anhouwati giñe tun luegien procedimiento le ordinariubei weyu 18 disi widü lidan 11 hati, irumu bian milu disi nefu. Lebubei tiabuin Unidad de Analisis de Riesgo, lun tadügun aban asibihani luagu peliguga la lau gürigia lidan weyu 20 lidan üruwa hati, irumu 2020 bian milu wein. Le ti asubudirawagüdübei luagu asibihani le, luagu lidañein lan buga peligu mutu le. ariengati giñe Estado biamañein lan weiyasu hadaünrün lun lidan weyu 10 lidan gadürü hati, irumu 2020 bian milu wein, luan giara lan hasubudiragüdüni lun ani üwagua hamamuga giñe lidan idaluba lan buga tima libuidun lameiniruniwa eyeri /wüguni le. Lau sun luyei dei lumoun oura le uwati ounabuni luagu fada weyu uguñe; anihagiwa me ti aban damuri tani Comité Tecnico to arihuboun lau.
13. Itaraliña lubei ti anirein aban inarüni lidan sun le, anieinhali la aban yarafaguou lidan lilugarun lurudu hama lichügüdüna hagaira Garinagu, lun giarabei la lameiniruiwa habagari sun gürigia ha agendagubalin hamúan, ha añurusuhaña hama luruduebuna, itara kei lun larihiniwa anhei laganaguañanu lubei peligu luagu habagari; anhein ti anirein lubei peligu, megeriwabei lun lameiniruniwa habagari itara kei giarabei la duarigüdawahama luei fumieguarügu katei o laguyagun wuribani kei buri hamuga libe le sügühali bei⁸.

⁶likasun Dübügati hama lilana Vs. Huliligati.Lameiniruniwa tagunfulirun sentencia o lilurudun gumadi. Afansehani tueigien Corte Interamericana lani Lareini ibagari luma Hagalan mutu/Derechos Humanos T 14 katosu lidan 5 hati irumu bina milu disi nefu.2019.

⁷ Subsigüdati Estado luagu lan meme weyu ligia tounahouwa ñuusu tidoun ministerio Publico tuma Agencia Tecnica de Investigacion Criminal ATIC, (Loundarun Uruwei lun lasibihouniwa Damichi) DPI houdarun.

⁸ Itaramelian asigenehalan Estado luagu tatihali lan atouruha aduariduni luei damichi üwaragua hama luruduebuna ha ligibugienbaña hoüdüte Garinagu itara kei hama ha Aduaridubani akutihamein sun

C) Le Tariengubei Tichügüdina Corte

14. Megeri le habelagüdübei luruduebuna ha ounigirubalin hafaan Garinagu tidan garada, ayanuhatu hawagu 4 gadürü gürigia sagawarügutiun habienglein, feiduluhaña, sungubei ti hagia Turonpuna sun ti girigia ha Turponpuna, hagia üwaragua hama Dübügatinana gadasitiñun ereraguei hafaan luagu hamuanagei. Sun ti garada to ñei lubei layanuhouwa luagu anügüti fulasu sun tila agei luagu timañein lameiniruniwa ibagari, luma lareini habagari sun gürigia hara.
15. Haritaguawati luagu anirein lan yanu tidan sentencia luagu aban akutihani luagu layawadawagunua lau habagari Garinagu, itara kei hagaganirun luma heibahouniwa, rutu ti Corte gumadi luagu lateniruba lan me buga lun anügüti fulasu, luagu likasun Dübügati luma Turonpu hama sun lilana Vs Huliligati.
16. Ariengatu ti Tichügüdina Corte luagu budineguati lan anügüti fulasu luma aban lidangien rekisitu le lidanbei artikulu 27.3 Wein sedü. Üruwa lidan tilurudun Corte lun gearabei lan dan me la hádarunu garada üwaguatamuga luma anügüti fulasu, ladüga lañawarin houn lilana agairoü itara kei houn sun ha luruduebuna baña hama⁹.
17. Haritawaguati lübügüru gumadi lubaragiegua gusei, lidan artikulu 63.3 üruwa wein üruwa.biama, tidangien Convencion Americana, ameiahatu üruwa ebudinoü: i) “luwein damichi”; ii) “mejeriwatu lau lere luma larufudun”, y iii) lun gearabei lan “duariwalan luei damichi le me asiñarunti lun laramadahouniwa” houn girigia. Üruwa katei le yarafaguati luniwagua, ani mosu ñein lan suwandan lidan taluguba lan Corte lun tidehan lidan anügüti fulasu kei aban afansehani lubaragien lidani gusei.¹⁰ Lidan gufiumarü lau tilurudun Convencion luagu gearabei la louduniwa lihürü damichi lau lurudu (prima facei) itaraliña luebiti sun la rekisitu le lueigien ñein loubadina le alugubei gurasu¹¹.

luaguna asusereduti tidangien DGSP, lun gearabei lan lateniruniwa lun sun peligu le gearabei lasuseredun luagun mouniruniwahama.

⁹ Cfr. Agairoü Dübügati hama lilana Vs. Huliligati parrs. 260 biama san üruwa wein lumoun 280 biama san Gadürü wein, 352 üruwa san dimi biama luma 353 üruwa san dimi üruwa itara kei afansehani 17 disedü, luma ti agairoü Turonpu hama lilana Vs. Huliligati, parrs. Bian san sisi 206, bian san karosu 214, bian san üruwa wein sisi 266 lumoun bian üruwa wein sedü luma ti afansehani 8, widü.

¹⁰ Cfr. Lidisedün susei, gürigia ha doüwalumutiun Nigarawa. Tidan amuriahani lun lamigifedun o lachawagun ligaburi aminiruni lubagien gusei. Afansehani tani Corte Interamericana lanina Derechos Humanos, lareini ibagari/ Hagalan mutu lidantu weyu 14 katousu lidan 10 hati, irumu, considerando 9, itara kei gürigia hagara idudunu lueigien norute Nigarawa. Lachawagun ligaburi ameiniruni. Afansehani tani Corte Interamericana lanina Derechos Humanos, o Hagalan mutu/ o lagunfulirun Lareini ibagari, lidan weyu 6 sisi lidan 2, biama hati irumu 2020 bina milu wein daradu o considerando 13, tareisi.

¹¹ Cfr. Lueigienti Blfrt Istrúiz luma buri amu lueyi katei Venezuelana. Daradu le lubaragiegua aguseruni weiriti lun ameinihani. Tafansehan Corte Interamericana lanina Derechos Humanos, o Hgalan mutu/ o Lareini ibagari, keinsi tu, lidan gadürüü hati riumu 2010 bian milu disi, considerando sengü 5, luma ti kasu Urrutia Laubreaux vs. Chile, taluguniwa daragu lun aminihani lubaragiengua gusei. Tafansehan Corte Interamericana lanina Hagalan Girigia/Drechos Humanos, 12 dusutu lidan üruwa hati, irumu 2020 bina milu wein, considerando 3 üruwa.

Anhein ti luagu luweirin damichi lun gearabeilan ladeiruniwa gumadi lun amehihani lubagienguea gusei, megeritu Convencion lun lasuseredun lira lidan le “weinamutimabei” lun tatepurun kei burinarügu le.

Lidan megeriwalan amehiruni lau larufudagun luagu luweirin damichi, arudalumuti giñe peligu lidan habagari mutu, le megeibei lun latouruniwa lau larufudagun, anhein ti damichi hafu ñeinlan aban inarüni luagu lasusereduba lan ani siñati leiguadun lidoun umegeni le lunbei lasiñarun lafansehuniwa.¹²

18. Lueigien le aban üboü, ariñagatu Corte luagu anhei anirein lubei aban damichi asusereduti le uwagubei laluguwa aban amehiruni, mamegeirunti lun gearabei lan hamuga larihiniwa damichi lun gearabei lan laluguniwa amehihani ligibuñe lurudu, le megeiwabei lun gearabeilan lichuguiwa subudi luagu anügüti fulasu (prima facie) aban damichi le weiriti ani megeiti lun lafansehuniwa¹³.
19. Lidan ti lira, ariengatu tichügüdüna Corte, luagu mosu lan lariahuniwa sun igaburni le aseriwiduti lun girabeilan larihiniwa anhein gunfulitubei lau buri sun rekisitu lun lichuguniwa lurudu lanina amehiruni le fureseti houn lubaragien me gusei le me lunbei ñein lan lakutihouwaluagu luagu habagari luma luaguna hagamuchagun Garinagu ha, luagu hafuridawagüdüniwa habiengien yara lueigien loubu Turonpu luma Dübügati.
20. Lidan furumieti katei, luagu asusereduti hadan lilana Turonpu, sun dugumedu to habelagüdüboun sun luruduebuna luma Estado gadan lumuti hakasun Milton Joel Martinez Alvarez, Suami Aparicio Mejia Garcia, Gerardo Misael Trochez Calix luma Elbert Sneider Centeno, feidiluhaña lumagienbei hanügüniun manichitiun 18 disi widü lidan 7 sedü hati, 2020 irumu bian milu wein, larigienbei hafuridagüdüniun manichondon habiengien yau wuisu tuyeirigu bisiledu tuma buri agabusu; lau sun anirein lan mebuga lurudu le lani acheduni lun uwalan mutu eibuguti laganauga gunami agei le ubouwagubei le lichugubei COVID-19, tauñanu hasimisin policia(pulimani) le ñeinlubei lafurida Direccion Policial de Investigacion(supra kei itara 7.a) . fada lumoun uguñe, uwati ni aban ñuusuu luagu haliañanu lan ka aban hadangie gadürü gürigia ha.
21. Mamahanti Estado tun ñuusuu to achülürüboun, abanrugu ñein katei larihagun luagu me buga machodulani ka lan habitibei manichitiun han anügübalium Garinagu, gearati yusuruguhama ilagu to tani Direccion Policial de Investigacion itaraliña lubei ti añahagua lan asibihei asuseduti. Idehati Estado lidan taderegeruniwa dugumedu luagu alügüdahani luagu ligaburi peligu le hawogubei gürigia ñein, deregawatu ti weyu 20 wein lidan üruwa hati 3, irumu 2020 lun Albert Sneider Centeno le unbei

¹² Cfr. Tikasu Internadu luruduebunatu Monagas (La pica) luagutu Venezuela. Lurudu lun aminihani lubaragien lurudu weiti, tueigienti Corte Interamericana lanina Hagalan Mutu, o Derechos Humanos, 24 wein Gadürutu lidan ,11 unsu hati, Irumu 2009 bian milu nefu, considerando 3 üruwa, luma ti kasu Cuya Lavy hama amu ya Vs. Peru. Lamuriahouun lurudu lun aminiruni lubaragien lurudu weiti le lanina aguseiruni. Tafansehan Corte Interamericana lanina Derechos Humanos o Hagalan Mutu, 12 dusuna lidan 3 üruwa hati, irumu 2020 bian milu wein. Considerando 5 sengü.

¹³ Cfr. Hakasun irahuñu hama nibureitiun ha adoürübaña lidan “Complexo do Tatuapé” da FEBEM respecto Brasil. Lurudu lu aminihani labgien lurudu weiti larigien gusei. Afansehani tani Corte Interamericana lani Hgalan mutu, 4 gadüru lidan sedü hati 7, irumu 2006 Bian milu sisi, Considerando 23 wein üruwa lidangien hagaira idudunu Nigarawagien lueigien norute, Supra, Considerando 14, Katosu.

lasubudirawagüdüwa luagu weitanbuga peligu le gadangubalin. Subudigüdalumuti giñe ti Estado luagu madügülan ni kata lidan lichuguniwa lameinihouniwa habagari barüwana ha ñeinbaña. Lidan ti lira aban lariñagun Estado adügali lan yarafaguouü hama alidihatiun hagaira Garinagu lun gearabei lan latatirun dasi lun duarilan habagari gürigia ñien, lira ti hadügübei aban oundaruni lueigien loubu hagaira Garinagu ha ereregubaña luagu hafulesinhabu hama ti tanigu (Aduariduni luma asibihani luagu asusereduti) Equipo de Prevencion y Analisis de contexto de la DGSP, lun gearabei lan lagumuchagun sun peligu le ñeinlumuti hamuga larihua weiritimalan.

22. Furanguti tun tichügüdüna Corte luagu garada lan to abeluruboun lau kasu le isieti lan, ayanuhatu luagu hagumuchaguagüdüniwa gürigia lau eregu, redeiti ti lira kei aban kasu (prima facie) aban kesi le weiriti ligaburi ani megeriwalan lafanseruniwa lau loufadun, luei lanügun katei le weiritimati le me lasiñarun aramadhouwa, ladüga ibagari luma lareini ibagari lidanbei saragu peligu. Larigien ti sun le, anuha alidigülei to arihatu buidu lun girabei la lameiniruniwa ibagari lau loufudagun kei le arienwagubei tidan Convencion Mareicana, gumaditumuti Estado lun gearabei la lau loufudagun luna halügüdahan lun hasubudirgagüdüni haliañanu lan Milton Joel Martinez Alvarez, Suami Aparicio Mejia Garcia, Gerardo Misael Trochez Calix y Alberth Sneider Centeno.
23. Lueigien ya aban üboü anuhan ichügüdünoü to ariengatu luagu sun la buri susesu le boüti amuya buri damichi luma buri ayawadahani luogu ibagari, sun buri katei le asibihouwati ani akutihouwa tidan sentencia tani Corte Interamericana luagu hagaira Garinagu le Turonpu (supra kei itara 15), italiña ti yarafalan anügüti fulasu lun lererewaguniwa müa luma hakesin luagu hamúan luma habagari; lun gearabei lan lagunfulirun lau Sentencia tani Corte lun gunfuli lau asusereduti Turonpu. Kei lubei ti larienguni Estado, danbei lariengun luagu megeiwalan lun lameiniruniwa ibagari lau loufudagun houn agendagutiña luagu hakesin hagaira Garinafu, ha tima lidanbaña saragu peligu, itaralamuga maguyagunla damichi le suserelibe (supra itara kei 13), aniha alidihatu to subusitumuti luagu sun la hadügübei Garinagu luagu hagendaguni houbadina, hanarun lan, ani üwara hadügei (prima facie) lidan aban gadangutiun le weiriti lere peliguru lidan ani megeriwalan latouruniwa lau loufudagun. Agumadihatu ichügüdünoü lun lichuguniwa ameiniruni lun ibagari lau loufudagun lun lakipuruniwa lareini habagari lilana oüdü.
24. Anhei ti lidan anügüti fulasu Dübügati, luagu lagidaruniwa libagari aban ichügüdünoü Antonio Bernardez asusereduti lidan sisi hati irumu 2020 bian milu wein. Uti Estado fe luagu. Anhein ichügüdüinarü to ariengatu luagu ouweni le, madiseti, migiragunti, o madiseti luei sun le anügübei fulasu laganagua heibahouniwa Dübügatinana luagu hagendagun luagun hamúan, sun le subusigüdawati tidan Corte Interamericana tidan sentencia itara kei tidan oundaruni lun lameinihouniwa lagunfulirun sentencia luagu meme anügüti fulasu. (supra kei itara 7.b y 9).
25. Ariengati Estado luagu likasun Turonpu luma Dübügati luagu uwalan ni aban garaguouü adügüti lun gearabei la lichuguniwa aminiruni luagu likasun Dübügati lau sun lidañen lanbuga asibihani, ariengati luagu anirein la anhouni ligia lun lichugun lurudu lun lameiniruniwa habagari agendagutiña luagu hamúan, ha tima lidanbaña saragu peligu luagu lupeligun hadasin luagu hakesin labu hagalan luagu halagante hamúan, lun

hadauriduniwa luei sun luyeirigu peliguru luageirigu aban pulan lani ameiniruni.(supra kei itara 13).

26. Luagu ti lagumuhoun buga lira gufurandatumuti alidihatu to luagu hasibihañein la luruduebuna luaguti lagidaruniwa libagari Antonio Bernardez, subusiwati giñe luagu lidañein lan me buga aibahouni, luma ayawadaguni lau libagari lumagien lüha, itara meme liña giñe asusereduti houn hibiri ichügüdinou Dübügati ha agendagubaña luagun hamúan luma hagalan Garinagu (supra kei itara 13). Sun ti buri katei le uti uruwei o Estado fe luagu subusilani, subusigüdalumuti tidan oundaruni lun lameiniruniwa tagunfulirun sentencia luagu loubadina Dübügati lidan bürüti 31 darandi aban lidan 7 hati, 2020 irumu bian milu wein (supra kei itara 9).
27. Anuha alidihatu tu, lidan gunfuli tuma lurudu (prima facie, subusigüdatu luagu sun la kesi le gawogubaliun Garinagu, lidañein lilugarun lurudu, lugundu le weiriti peliguru le gadabuliun, luma buri damichi le sienwati aramahouwa luagu ibagari luma lareini lira, hawagu Dübügatinana lidan hereregün ani agendaguahagia luagun hakesin Garinagu lidan aban. Lau ti sun luyeri le, galugarunlumuti laderegeruniwa sun erei le anügüti lameiniruniwa ibagari lau larufudagun, lun giarabei lan haduariduniwa lun lakipuruniwa lareini habagari Garinagu ha, sungua luagu.

LARIGIEN SUN ANÜGÜTI FULASU:

ANIHAN TILURUDUN TICHÜGÜDINA CORTE INTERAMERICANA LUAGU LAREINEI IBAGARI O HAGALAN GIRIGIA.

Lau ubafu le luruduebunati le ichigubei tun Tichügüdinu Corte lidan artikulu 63.2 üruwa wein üruwa. Biana tani Convencion Americana, luma 24.1 wein gadürü. Aban luma 24.2 wein sengü. Biana lidangien tilurudun o estatuto tani Corte, itara kei artikulu 4 gadürü, 27 wein sedü luma 31 darandi aban.2 lidangien reglamentu o tilurudun Aguseragülei,

AFANSEHATU ITAGA:

1. Lagumadiruniwa Estado lani Huliligati lun giarabei lan lichugun lurudu lun ladügüni sun lubafu lun ladeiruni habudubu Milton Joel Martinez Alvarez, Suami Aparicio Mejia Garcia, Gerardo Misael Trochez luma Albert Snaider Thomas, añahagua feidilu lumagien bei hasagarinian manichitiun weyu 18 disi widü lidan 7 sedü hati, irumu 2020 wian milu wein, kei le aubei lafurida tida consierando o keiri guberigu 12 katosu lumoun 22 wein biana to tidanboun afansehani o resolucion to.
2. Lagumadirun Estado lani Huliligati lun giarabei la ladügüni sun lumati, lun lameiniruni habagari Garinfagu itara kei lareini habagari Turonpuna hama Dübügatinana, üwara hadaragua erei luagu hagendaguni habagari luma hamúan, kei larienguni lidan considerando o keiri guberigu 23 wein üruwa lumoun 27 wein sedü tidangien afansehani o resolución to.

3. Sun ichügüdinaü kei luruduebuna lichuguba dei 11 unsu ludan 8 widü hati, irumu 2020 bina milu wein, lun giarabei lan habelagüduni sun hiri Turonpuna hama Dübügatinana ha lunbaña lameiniruniwa habagari lau loufudagun itara kei larienwaguniwa lidan afansehani 2 biama tani resolcion to.
4. Mosu lagoubadaguni uruwei o Estado idemuei hama lunbaña haduariduniwa hama sun luruduebuna ha arudubaliun ligibugien lurudu, itara ti kei mous lan hasibihani, akutihahamei me üwara luma uruei le hamegeirubei luma kei hasubudiragüdüni awanseruni lidan.
5. *Lagumadiruniwa Estado lan Huliligti lun giarabei lan hounahan ñuusu iseriguati tidoun Corte lübügúru* aminiruni le ichigubei, hafu hounahani ñuusu lubaragien 24 wein gadürü lidan, 8 widü hati irumu 2020 bian milu wein.
6. Lagumadiruniwa Estado Huliligati lun lasigirun añuusuha tun Corte kara biama hati lumagien tabelawagüdúniwa tagumuhoun dugumedu lau ñuusu luagu sun dasi le adügüwalibei lun lachoruduniwa aduariduni luma konigii.
7. Gumadiwatu Fiyudi tani Corte lun tounahanu afansehani to lun Estado lani Huliligati, itara kei tun Comision Interamericana hama luruduebuna ha ameinihabaña hau ha abihubaña damichi.
8. Afansehani tani Tichügüdina Corte Interamericana lun Lameinirun lereini ibagari luma Hagalan Gürigia. Furumieti afansehani lubaragien le weiritimabei larigien gusei, lueigien loubadina Turonpu/Dufigati luma Dübügati Vs Huliligati.

Elizabeth Odio Benito

Ichügüdinouü

Pablo Saavedra Alessandri

Fiyudi

Subusigüdawatu, ani gunfuliwata.

Elizabeth Odio Benito

Ichügüdinouü

Pablo Saavedra Alessandri

Fiyudi

9.